



Jadual Pembacaan Khutbah Jumaat

Siri 9/ 2024M

(Bulan September 2024)

Bil	Tajuk	Tarikh
1.	Menggarap Cinta Rasulullah	6 September 2024M/ 2 Rabi'ulawwal 1446H
2.	Mengimani Allah, Meneladani Rasulullah	13 September 2024M/ 9 Rabi'ulawwal 1446H
3.	Jiwa Merdeka	20 September 2024M/ 16 Rabi'ulawwal 1446H
4.	Angkara Batu Sempadan	27 September 2024M/ 23 Rabi'ulawwal 1446H
Khutbah Kedua		

دبىاءى:



زكاة فولاو فينغ

دترىتنكن:



جابتن حال إحوال اكام اسلام فولاو فينغ

Jawatankuasa
Panel Semakan Teks Khutbah
Negeri Pulau Pinang

- 1. Sahibus Samahah Prof Madya Dato' Dr. Mohd Sukki bin Othman (Pengerusi)**
Mufti Kerajaan Negeri Pulau Pinang
- 2. YBhg. Ustaz Muhammad Fadzil bin Alias**
Pengarah, Yayasan Dakwah Islamiyah (YADIM) Pulau Pinang
- 3. YBhg. Ustaz Ahmad bin Hashim**
Penasihat, Pusat Pengajian Tahfiz Al-Quran (PPTQ)
Kolej Islam Teknologi Antarabangsa Pulau Pinang (KITAB)
- 4. YBhg. Ustaz Subki bin Mohamed**
Mantan Pensyarah Kanan, IPG Kampus Tuanku Bainun
- 5. YBrs. Dr. Mohamad Zaki bin Hj Abdul Halim**
Penolong Mufti, Bahagian Fatwa,
Jabatan Mufti Negeri Negeri Pulau Pinang
- 6. YBhg. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 7. YBhg. Ustaz Ahmad Shahimi bin Senawi**
Pendakwah
- 8. Ustaz Mohd Hanif bin Omar @ Wahab (Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Menggarap Cinta Rasulullah

6 September 2024M/ 2 Rabi'ulawwal 1446H

أَلْحَمْدُ لِلَّهِ الْقَائِلِ: قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ وَيَغْفِرْ لَكُمْ
ذُنُوبَكُمْ وَاللَّهُ غَفُورٌ رَحِيمٌ ﴿٦٦﴾ سورة آل عمران

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، الْمَلِكُ الْحَقُّ الْمُبِينُ، وَأَشْهَدُ أَنَّ سَيِّدَنَا
مُحَمَّدًا عَبْدَهُ وَرَسُولَهُ، الصَّادِقُ الْوَعْدُ الْأَمِينُ.

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ أَفْضَلِ الْمَخْلُوقِينَ، وَعَلَى آلِهِ وَأَصْحَابِهِ
أَجْمَعِينَ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ! أَوْصِيَكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.

PARA TETAMU JUMAAT YANG DIKASIHI SEKALIAN,

Marilah kita bersama-sama meningkatkan ketakwaan dan keimanan kepada Allah dengan menjadi hamba yang melaksanakan segala titah perintah Allah dan meninggalkan segala larangan dan tegahan Allah. Mudah-mudahan kita menjadi umat yang diberkati oleh Allah *سُبْحَانَهُ وَتَعَالَى*.

Khatib mengingatkan para jemaah agar memberikan sepenuh perhatian kepada khutbah yang akan disampaikan dan tidak melakukan perkara yang sia-sia. Alangkah ruginya kita yang sudah berada di dalam masjid ini, tetapi masih terleka dengan urusan dunia. Berkejar-kejaranlah kita mencari keredaan Allah sementara masih berkesempatan berada di alam dunia yang fana ini sebelum roh kita ditarik oleh-Nya. Pada hari yang



penuh berkat ini, marilah bersama kita hayati khutbah yang bertajuk:
“Menggarap Cinta Rasulullah.”

SIDANG JUMAAT YANG DIRAHMATI OLEH ALLAH,

Firman Allah dalam surah Ali Imran ayat 31 yang dibacakan di awal khutbah tadi yang bermaksud:

“Katakanlah (Muhammad), “Jika kamu mencintai Allah, ikutilah aku, nescaya Allah mencintaimu dan mengampuni dosa-dosamu. Allah Maha Pengampun, Maha Penyayang.”

Sesungguhnya mencintai Nabi ﷺ adalah merupakan satu sifat daripada sifat-sifat orang yang beriman. Terdapat banyak bukti yang menunjukkan bahawa seorang hamba itu perlu mencintai Rasulullah ﷺ. Sebuah hadis daripada Abdullah bin Hisham رَضِيَ اللَّهُ عَنْهُ yang bermaksud:

“Kami mengiringi Nabi ﷺ dan Baginda memegang tangan Umar bin Al-Khattab رَضِيَ اللَّهُ عَنْهُ. Kemudian Umar berkata kepada Nabi ﷺ: Wahai Rasulullah, sungguh engkau sangat aku cintai melebihi apa pun selain diriku.” Maka Nabi ﷺ menjawab: “Tidak, demi yang jiwaku berada di tangannya, hingga aku sangat engkau cintai melebihi dirimu. Lalu Umar berkata kepada Baginda: Sesungguhnya sekarang, demi Allah, engkau sangat aku cintai melebihi diriku. Maka Nabi ﷺ bersabda: Sekarang (engkau benar), wahai Umar.” (Hadis Riwayat Al-Bukhari)



SIDANG JUMAAT YANG DIRAHMATI ALLAH,

Terdapat banyak keistimewaan, sekiranya kita menjadi orang yang mencintai Rasulullah ﷺ, antaranya:

Pertama ia menjadi penyebab kita akan mendapat kemanisan iman. Sabda Nabi ﷺ dalam satu hadis daripada Anas bin Malik رَضِيَ اللَّهُ عَنْهُ maksudnya:

“Tiga perkara, barangsiapa memilikinya maka dia akan merasakan manisnya iman. (laitu) menjadikan Allah dan rasul-Nya lebih dicintai melebihi daripada selainnya, mencintai seseorang semata-mata kerana Allah, dan membenci untuk kembali kepada kekufuran seperti membenci jika dia dilemparkan ke dalam api neraka.”

(Hadis Riwayat Al-Bukhari dan Muslim)

Kedua ia menjadi penyebab kita akan bersama dengan Baginda nabi ﷺ di akhirat kelak. Dalam satu hadis daripada Abu Wail daripada Abdullah bahawa Rasulullah ﷺ bersabda:

الْمَرْءُ مَعَ مَنْ أَحَبَّ

Maksudnya: *“Seseorang itu akan bersama dengan orang yang dicintainya.”* ﴿Hadis Riwayat Al Bukhari dan Muslim﴾

SIDANG JEMAAH YANG DIRAHMATI ALLAH,



Sesungguhnya kelahiran Rasulullah ﷺ ke alam ini merupakan suatu anugerah dan kurniaan daripada Allah ﷻ yang sangat besar buat umat. Sinar cahaya yang dibawa bersama Baginda Rasulullah telah memadamkan kegelapan syirik dan menyinarkan bumi ini dengan cahaya tauhid. Allah ﷻ berfirman dalam surah an-Nisa ayat 174:

يَأْتِيهَا النَّاسُ قَدْ جَاءَكُمْ بُرْهَانٌ مِّن رَّبِّكُمْ وَأَنْزَلْنَا إِلَيْكُمْ نُورًا مُّبِينًا ﴿١٧٤﴾

Maksudnya: “Wahai sekalian umat manusia! Sesungguhnya telah datang kepada kamu: bukti dari Tuhan kamu, dan kami pula telah menurunkan kepada kamu (Al-Quran sebagai) nur (cahaya) yang menerangi (segala apa jua yang membawa kejayaan di dunia ini dan kebahagiaan yang kekal di akhirat kelak).”

Hakikatnya Baginda Rasulullah ﷺ telah berjaya membawa beberapa perubahan yang besar dalam sejarah kehidupan dan tamadun manusia. Dalam soal akidah, Baginda Rasulullah ﷺ telah berjaya mengangkat martabat dan kemuliaan manusia daripada kehidupan zaman jahiliah yang bertunjangkan hawa nafsu, kesesatan dan penyembahan berhala, kepada akidah suci yang mentauhidkan Allah, iaitu Tuhan yang Maha Esa yang layak disembah.

SIDANG JUMAAT YANG DIRAHMATI ALLAH,

Bersempena bulan Rabi’ul Awwal ini, marilah kita renungi kesimpulan khutbah pada minggu ini:



Pertama: Mencintai Nabi ﷺ adalah satu sifat daripada sifat-sifat orang yang beriman.

Kedua: Orang yang mencintai Rasulullah akan beroleh kemanisan iman dan menjadi asbab bersama Rasulullah di akhirat kelak.

Ketiga: Mentauhidkan Allah merupakan misi utama kerasulan Nabi ﷺ telah membawa perubahan dalam segenap aspek kehidupan manusia.

Allah berfirman dalam surah al-Anbiya', ayat 25:

وَمَا أَرْسَلْنَا مِنْ قَبْلِكَ مِنْ رَسُولٍ إِلَّا نُوحِيَ إِلَيْهِ أَنَّهُ لَا إِلَهَ إِلَّا أَنَا فَاعْبُدُونِ ﴿٢٥﴾

Maksudnya: “Dan kami tidak mengutus sebelumnya (wahai Muhammad) seseorang Rasul pun melainkan Kami wahyukan kepadanya. Bahawa sesungguhnya tiada Tuhan (yang berhak disembah) melainkan Aku; oleh itu, beribadatlah kamu kepada-Ku.”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ،
أَقُولُ مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ،
فَاسْتَغْفِرُوهُ، إِنَّهُ هُوَ الْغَفُورُ الرَّحِيمُ.



Khutbah Kedua

2024M/1446H

الْحَمْدُ لِلَّهِ عَلَىٰ آلَائِهِ وَإِحْسَانِهِ، وَالشُّكْرُ لَهُ عَلَىٰ تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِشَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَىٰ رِضْوَانِهِ.
صَلَّى اللَّهُ وَسَلَّم عَلَىٰ سَيِّدِنَا مُحَمَّدٍ وَعَلَىٰ آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعَلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلِّمْ عَلَىٰ عَبْدِكَ وَرَسُولِكَ مُحَمَّدِ بْنِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنِ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ أَعِزَّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَأَنْصُرْ مَنْ نَصَرَ
الدِّينَ، وَاخْذُلْ مَنْ خَذَلَ الْمُسْلِمِينَ، وَأَعْلِلْ كَلِمَتَكَ إِلَى يَوْمِ الدِّينِ.

اللَّهُمَّ أَنْصُرْ إِخْوَانَنَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلَسْطِينَ وَفِي كُلِّ
مَكَانٍ، اللَّهُمَّ ثَبِّتْ إِيمَانَهُمْ وَأَنْزِلِ السَّكِينَةَ فِي قُلُوبِهِمْ وَوَحِّدْ صُفُوفَهُمْ.



اللَّهُمَّ وَفَّقْ قَادَتَنَا وَرُعَمَاءَنَا وَوُلَاةَ أُمُورِنَا لِمَا فِيهِ عِزُّ دِينِكَ وَنَصْرُ شَرِيعَتِكَ،
اللَّهُمَّ اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ
وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Sultan Ibrahim dan Kebawah Duli Yang Maha Mulia Seri Paduka Baginda Raja Permaisuri Agong, Raja Zarith Sofiah.

وَكَذَلِكَ صَاحِبِ الْفَخَامَةِ،

Tun Ahmad Fuzi Haji Abdul Razak, Yang di-Pertua Negeri Pulau Pinang dan Yang Amat Berbahagia Toh Puan Khadijah Mohd Noor.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَّنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ
عَامَّةً يَا رَبَّ الْعَالَمِينَ.

Ya Allah! Dengan sifat-Mu yang Maha Pemurah dan Maha Penyayang; Jadikanlah kami dan keturunan kami orang-orang yang istiqamah mendirikan solat secara berjemaah, mengeluarkan zakat melalui Zakat Pulau Pinang dan melaksanakan waqaf melalui Wakaf Pulau Pinang.

Ya Allah! Jadikanlah kerja-kerja agihan zakat di Pulau Pinang ini sebagai suatu usaha yang berkesan bagi membela golongan asnaf sasaran. Rahmatilah jua para pembayar zakat dan pewakaf sekalian, serta berkatilah usaha Kerajaan Negeri melalui Majlis Agama Islam Negeri Pulau Pinang (MAINPP) dalam usaha mewujudkan keseimbangan sosio-ekonomi ummah di negeri yang tercinta ini.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.



عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَائِي ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٥١﴾ فَادْكُرُوا اللَّهَ الْجَلِيلَ
يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٥٢﴾

